

CM STATEHOOD

وزیر اعلیٰ عمر عبداللہ نے کہیو ہے کہ وہ نواں انتخابات گا انعقاد گا خیال گی حمایت کرے اگر اس نال خطہ مانہ مکمل ریاست گو درجو بحال وے گلمرگ مانہ خطاب کرتا واں انہاں نے کہیو کہ ریاست گو درجو عوام گو حق ہے ناکہ سیاسی لیڈراں گو استحقاق نہیں وزیر اعلیٰ عمر عبداللہ نے میڈیا رپوٹ نانہ متا توں سازاں مانہ خوف پیدا کرن گی کوشش کا طور ور مسترد کیو تے اس گل ور زور دتو کیو کہ اگر ریاست گی بحالی گی بحالی مانہ مدد ملے تاں اُن گی جماعت انتخابات واسطے تیار بے انہاں نے کہیو جے ریاست گا درجہ گو مطالبو درینہ ہے تے اس گو احترام کیا جانو چاہیے۔

DY CM INDUSTRY

نائب وزیر اعلیٰ سریندر چودھری نے کہی وے کہ حکومت جموں کشمیر گی معشیت نانہ مضبوط کرن تے روزگار گا مواقع پیدا کرن واسطے پرانی صنعتی اکائیاں نانہ بحال کرن تے نوویں نانہ ہ فروغ دین واسطے پُر عزم ہے سرینگر مانہ میڈرشین اف چیمبر اف انڈسٹری کشمیر گے نال ایک میٹنگ گی صدارت کرتا واں انہاں نے یقین دوايو کہ تمام واجب نوائید تے مراعات فوری جاری کیا جیں غا میٹنگ گے دوران صنعت گا نمائندگان نے لیز ڈیڈ اندراج ناقص بنایدی ڈھانچہ تے مالیاتی اکاوٹ ور لو کھلی تے اس دوران نائب وزیر اعلیٰ نے اہلکاراں نانہ ہدایت صنعتی جائیداداں گو دورو لاویں تے اُن گا مثائل نانہ حل کرن واسطے اقدام چاویں۔

RANA WATER CONSERVATION

جل شکتی گا وزیر جاوید احمد رانا نے موجودہ تے ان آلی نسلان واسطے پانی گا تحفظ واسطے اجتماعی کوششاں ور زور دینو ہے پونچھ مانہ ایک میٹنگ گی صدارت کرتا واں انہاں نے کمیونٹی گی شمولیت تے ملک بھر مانہ پانی گا تحفظ گا کامیاب ماڈل نانہ اپنان ور زور دتو وزیر موصوف نے بارش گا پانی گو ذخیر اندرونی ڈرپ اریگیشن تے پانی گا موثر استعمال گا بارا مانہ بیداری ور زور پایو انہاں نے جموں کشمیر مانہ زراعت نانہ جدید بنان پیداواری صلاحیت تے کسانان گی امعنی نانہ بہتر بنان واسطے حکومت گا عزم نانہ اُجاگر کیو۔ میٹنگ مانہ پیش رفت گا جائیزو لینتے للکارن نال نمژن واسطے پانی گا تحفظ تے زیر زمین پانی گا انتظام مانہ بہترین طریقہ گا اشتراک ور وی توجہ مرکوز کی گئی۔

PMAY G POONCH

دیئی مکانات مانہ ایک اہم سنگ میل حاصل کرتا واں ضلع پونچھ نے پردھان منتری اواس یوجان گزامین گے تحت 97 فی صد تکمیل گی متاثر کن شرح ریکارڈ کی ہے جہیری جموں صوبہ گا ضلعان مانہ سب توں زیادہ ہے ٹپٹی کمشنر وکاس کنڈل گی مجموعی نگرانی مانہ ان قدم نال دیئی علاقان مانہ سب واسطے مکانات نانہ یقینی بنایو گیو ہے جہیڑو جے ضلع انتظامیہ گا عزم گی عکاسی وی کرے تے اس سلسلہ مانہ منظور شدہ 40 ہزار 265 گھراں وچوں 47 ہزار 784 گھر کامیابی نال مکمل ہو گیا ہیں۔

SAMVIDHAN HATYA DIVAS

سمویدھان ہتھیہ دیوس اچ منایو جے غو یوہ دن 25 جون 1975 نانہ پیش آيو اُس واقعہ غی یاد دواوے جد بھارت غا آئین نانہ پامال کی وگیو تھو یوہ دن اُن تمام افراد نانہ خراک عقیدت پیش کرن غو موقعو ہے جنہاں نے ایمرجنسی غیدوران ظلم وستم برداشت کیو ایمرجنسی غو زمانو بھارت غی تاریخ غو سب تیں مشکل بھرو زمانو منیو جے گزشتہ سال حکومت نے 25 جون نانہ سمویدھان ہتھیہ دیوس غا طور ور منان غو اعلان کیو تھو۔

PROG ANNOUNCEMENT

علاقائی خبراں آلو شعبو آکاشوانی جموں 26 جون 2025 نانہ بیروار آلے تہاڑے دوپہر 12 بجے منشیات گا استعمال تے غیر قانونی تسکری گے خلاف عالمی تہاڑا گا موقع ور ایک خصوصی پروگرام نشر کرے گو اس پروگرام مانہ مہارا مہمان جموں کشمیر تیں منشیات مخالف ایس ایس پی محمد نواز لحق تے جموں یونیورسٹی گا شعبہ نفسیات کی سابقہ سربراہ آرتی بخشی ویں گی تے اس پروگرام کی میزبانی کریں گا مارا اینکر جگموہن شرما۔ یوہ پروگرام آکاشوانی جموں توں میڈیم ویو 303 میٹر یعنی 990 کلو ہٹز تے ایف ایم 100 اشاریہ 3 میگا ہٹز ور نشر کیوجے غو۔

WEATHER

محکمہ موسمیات نے جموں صوبہ مانہ اج تیں 27 جون توڑی شدید بارش کی پیش گوئی کی ہے اس دوران پہاڑی علاقوں مانہ انہانتی بارش ہون گا مکان ہیں تے پہاڑی علاقوں مانہ پھسی پینتے مٹی کھسکن غو اندیشو ہے تے کئی ملاقات ور اچانک سیلاب آن غی وارننگ دتی گئی ہے۔ حکام نے کساناں تیں اپیل کی ہے کہ چند دنوں توڑی آبپاشی تے دیگر زرعی سرگرمیاں معطل کرتیں تانجیکسی وی قسم گا نقصانتیں بچو جاسکے۔ عوام تیں گزارش کی گئی ہے جے غیر ضروری سفر تیں گریز کریں تے مسان مسان ملی اطلاع غے مطابق جموں سرینگر قومی شاہراہ ور دوئے طرفوں روکیا گیا ٹریفک نانہ بحال کردتو گیو ہے۔
